

Ko te Totoro Atu ki te Māori e pā ana ki te Mahere Whakapuakitanga

Iwi Chairs Forum Secretariat



Te Puni Kōkiri
MINISTRY OF MĀORI DEVELOPMENT

NZ Human Rights.
Te Kāhui Tika Tangata
Human Rights Commission

Nā te Pou Tikanga o te National Iwi Chairs Forum, te Komihana Tikanga Tangata me Te Puni Kōkiri i kōkiri ngā huinga totoro atu ki te Māori e pā ana ki te waihanga mai o tētehi mahere ki te whakatinana i Te Whakapuakitanga o te Rūnanga Whakakotahi i Ngā Iwi o te Ao mō ngā Iwi Taketake i waenga i te Mahuru 2021 me te Huitanguru 2022.



E 69
ngā Awheawhe




Kei te takiwā o te
370
tāngata i tae atu




E 32
ngā kaiārahi

Ko ngā rōpū i totorohia atu

He huinga tāngata o ngā rōpū i kuhukuhu ki ngā awheawhe, engari, kāore i te whakaatu i te huhua o ngā whakaaro i waenga i a rātou. E whai ana mātou ki te rongo i ngā kōrero i ngā wāhine Māori, tāngata takatāpui, tamariki, kaumātua hoki i te roanga o tēnei mahi.



Ko ngā wā me te nui o ngā awheawhe ki te hunga i totoro atu



Tino rangatiratanga

Me whakaae, me whai rawa, me whakatinana te tino rangatiratanga mai i te whānau me te hapū.

Ko te whakapakari i te rangatiratanga o te tāngata whenua te tino kōrero i puta i ngā awheawhe, ā, e whai pānga ana ki ēnei kaupapa i raro ake nei:



Kuhukuhu ki te kāwanatanga

Auau ana te karanga kia nui ake, kia ū hoki te kuhukuhu atu i ngā tukanga kāwanatanga me ngā whakataunga



Mātauranga

He hua ngoikore ka puta i te pūnaha mō ngā tamariki, rangatahi, whānau, hapū, iwi hoki. **Me whakatū he whare kaupapa Māori motuhake me ōna mana whakahaere**



Hauora

Tautokohia te tūnga o tētehi **Mana hauora Māori** me te whakatau i ngā hua hauora tōraro i runga i te tikanga Māori



Ahurea me te tuakiri

Whakahirahira ana te reo Māori, te aho e tuitui ana kia kotahi te ao Māori



Whakatupu ōhanga, pakihī hoki

He rakahinonga te Māori. Me whakatū he tūāpapa ōhanga kia wawe tōna tupu māia, kia tūtika ngā take pāpori, kia whakatutuki hoki ngā tūmanako



Whenua, rawa me te taiao

Ko te taiao me tōna katoa tētehi tumu o te tuakiri, o te oranganui mō te Māori



He taipitopito e pā ana ki ngā tika Taketake/Māori hoki

Nā te iti o te mātauranga me te mōhiotanga ki ngā tika Taketake me Te Tiriti i taupā ai ō rātou tūmanako. Kāore ngā tika Taketake e whakaiti ngā tika kē



Ture

He karanga kia āta panoni kia whakakorehia atu te pānga o te pūnaha o nāianei ki runga i ngā tāngata whenua



Whare

Kāore e whakaae atu kia kāinga kore te Māori. Ko ngā take whare e hāngai pū ana ki ngā tika ki te whenua



Mana taurite me te tōkeke

He nui te wheako tōrite mō te Māori, huri noa i ngā horopaki maha ahakoa ngā oati i Te Tiriti me Te Whakapuakitanga



Te oranga o te whānau

Ko te whakaoraora i ngā pāmamae o mua, o nāianei hoki me tīmata ki roto tonu i te whānau